

- 1<sup>r</sup> Wer artzeny sich nyemet an
- 2<sup>r</sup> Vnd doch keyn presten heylen kan
- 3<sup>r</sup> Der ist eyn gütter gouckelman



### Von narrechter artzny.

- 1 Der gat wol heyn mit andern narn
- 2 Wer eym dottkrancken bsycht den harn
- 3 Vnd spricht / wart / biß ich dir verkünd
- 4 Was ich jn mynen büchern fynd

5 Die wile er gat zûn bûchern heym  
 6 So fert der siech gôn dottenheym /  
 7 Vil nemen artzeny sich an  
 8 Der dheyner ettwas do mit kan  
 9 Dann was das krüter bûchlin lert  
 10 Oder von altten wyben hõrt  
 11 Die hant eyn kunst / die ist so gût  
 12 Das sie all presten heylen dût  
 13 Vnd darff keyn vnderscheyt me han  
 14 Vnder *jung* / allt / kynd / frowen / man /  
 15 Oder fûcht / trucken / heiß / vnd kalt /  
 16 Eyn krut das hat solch krafft / vnd gwalt  
 17 Glich wie die salb jm Alabaster  
 18 Dar vß die scherer all jr plaster  
 19 Machent / all wunden heylen mit  
 20 Es sygen gswâr / stich / brûch / vnd schnyt  
 21 Her Cucule verloßt sie nit /  
 22 Wer heylen will mit eym vngent  
 23 All trieffend ougen / rott / verblent /  
 24 Purgyeren will on wasserglaß  
 25 Der ist eyn artzt als Zûhsta was /  
 26 Dem glych / ist wol eyn Aduocat  
 27 Der jnn keynr sach kan geben ratt /  
 28 Eyn bichtvatter ist wol des glych  
 29 Der nit kan vnder richten sich  
 30 Was vnder yeder maletzy  
 31 Vnd gschlecht der sünden / mittels sy  
 32 Jo on vernunfft / gat vmb den bry /  
 33 Durch narren mancher würt verfûrt  
 34 Der ee verdûrbt / dann er das spürt /

i4r

i iij

---

10 wyben GW5046 GW5047 ] wybern GW5041 14 jung ] juug GW5046